



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

XLII. Quod electiones Priorum, Subpriorum, Sacristarum, & Procuratorum  
Ordinis B. M. de Monte Carmelo à Communitatibus Conventuum  
Provinciarum in Brevi expressarum non fiant, sed in Definitoriis ...

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

nodata existunt ad effectum presentium dumtaxat consequendum harum serie absolventes, & absolutas fore censentes, & hujusmodi supplicationibus inclinati, de Venerabilium Fratrum nostrorum S. R. E. Cardinalium Sacris Ritibus prepositorum qui rem mature perpendere consilio, Indultum recitandi officium, & horas Canonicas, ac celebrandi Missam de dicto Beato Gundisalvo, tanquam de Sancto Confessore non Pontifice concessum, ut prefertur ad universum Ordinem, tam Fratrum, quam Monialium Sancti Domini, modo, & forma premissis auctoritate Apostolica tenore presentium extendimus, & ampliamus.

Contrariis derogat.

Transumptorum fides.

Dat. P. A. 2. die 10. Julii.

§. 5. Non obstantibus Constitutionibus, & Ordinationibus Apostolicis, ceterisque contrariis quibuscumque.

§. 6. Volumus autem, ut earumdem presentium litterarum transumptis, seu exemplis etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides in iudicio, & extra illud habeatur, quae haberetur ipsis presentibus, si forent exhibitae, vel ostensae.

Datum Romae apud S. Mariam Majorem sub Annulo Piscatoris die 10. Julii 1671. Pontificatus nostri anno secundo.

XLI.

Quod Fratres Ordinis Minorum Sancti Francisci Capuccinorum, & Moniales Capuccinae, cuiuslibet mensis die non impedita Officium S. Clarae recitare valeant.

Edita A. D. 1671.

CLEMENS PAPA X.

Ad perpetuam rei memoriam.

Exordium.

EX inuncto Nobis divinitus Apostolicae feruitutis officio pia Christifidelium, illorum praesertim, qui Altissimi obsequiis sub suavi ardentioris Religionis iugo mancipati, bonoque Christi odore de bona conversatione fragrantibus uberibus bonorum operum fructus in Ecclesia Dei aspirante superni favoris auxilio proferre jugiter satagunt, vota ad augendam in terris caelestis regni incolarum venerationem tendentia libenter exaudimus, illaque favoribus, & gratis prosequimur opportunis.

Supplicatio.

§. 1. Cum itaque sicut dilectus filius Minister Generalis Ordinis Fratrum Minorum S. Francisci Capuccinorum nuncupatorum Nobis nuper exponi fecit, tam Fratres dicti Ordinis, quam Moniales Capuccinae nuncupatae pro singulari eorum erga Sanctam Claram devotionis affectu Officium de illa singulis mensibus recitare plurimum desiderent.

Concedit ut in rubrica.

§. 2. Nos piis eorum votis favorabilem assensum hac in re praebere volentes, dictumque Ministrum Generalem a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatus existit, ad effectum presentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, omnibus, & singulis tam Fratribus, quam Monialibus praedictis, ut officium de eadem Sancta Clara singulis mensibus aliqua die non impedita officio novem Lectionum, sub ritu semiduplici recitare, liberè, & licite possint, & valeant, Auctoritate Apostolica tenore presentium concedimus, & indulgemus.

Decretum irritans.

§. 3. Decernentes easdem praesentes litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos, & quas spectat, & pro

tempore quocumque spectabit in omnibus, & per omnia, plenissime suffragari: Sicque in praemissis per quoscumque Judices Ordinarios, & Delegatos etiam Caesarum Palatii Apostolici Auditores judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Contrariis derogat.

§. 4. Non obstantibus Constitutionibus, & Ordinationibus Apostolicis, ceterisque contrariis quibuscumque.

Transumptis fidem addit.

§. 5. Volumus autem, ut ipsarum presentium litterarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides habeatur, in iudicio, & extra illud, quae haberetur ipsis presentibus, si forent exhibitae vel ostensae.

Dat. P. A. 2. die 20. Julii.

Datum Romae apud S. Mariam Majorem sub Annulo Piscatoris, die 20. Julii 1671. Pontificatus Nostri Anno Secundo.

XLII.

Quod electiones Priorum, Subpriorum, Sacristarum, & Procuratorum Ordinis B. M. de Monte Carmelo a Communitatibus Conventuum Provinciarum in Brevi expressarum non fiant, sed in Definitoriis Capitulum Provinciarum, earumdemque electionum abrogationes a Priore Generali approbari debere statuit.

Dilecto filio Matthaeo Orlando Priori Generali Ordinis Beatae Mariae de Monte Carmelo.

CLEMENS PAPA X.

Dilecte fili salutem, & Apostolicam benedictionem.

Edita An. D. 1671.

Cum, sicut Nobis nuper exponi fecisti, septem Provinciae Ultramontanae tui Ordinis Fratrum Beatae Mariae de Monte Carmelo, nempe Germaniae inferioris, Aquitaniae, Provinciae, Tolosae, Germaniae Superioris, Vasconiae, & Flandro-Belgicae, ut factionibus, aliisque malis, quae ex electionibus Priorum, per Communitates Conventuum fieri solitis, in detrimentum observantiae regularis, ac salutis animarum, & religiosae quietis promanabant, occurrerent, easdem electiones abrogaverint, easque in Definitoria earundem Provinciarum respective transfulerint; Tu vero etiam Subpriorum, ac Sacristarum, & Procuratorum singulorum Conventuum Provinciarum hujusmodi electiones abrogari eorundem Conventuum quieti, & regulari observantiae conducibile fore existimes: Per Constitutiones autem Ordinis praefati a fel. rec. Urbano VIII. & Innocentio X. Romanis Pontificibus praedecessoribus nostris confirmatas, pro Provinciis Reformatis ordinatum reperiat, ut hujusmodi electiones Priorum, Subpriorum, Sacristarum, & Procuratorum a Communitatibus Conventuum fiant. Nobis propterea humiliter supplicari fecisti, ut tibi in praemissis opportunè providere, & ut infra indulgere de benignitate Apostolica dignemur.

Motiva.

§. 1. Nos igitur votis tuis, ad promovendum regularis observantiae, religiosaeque tranquillitatis bonum laudabiliter tendentibus, favorabiliter annuere volentes, Teque a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatus existis, ad effectum presentium dumtaxat consequendum, harum serie absolventes, & absolutum fore censentes, supplicationibus tuo nomine Nobis super hoc humiliter porrectis inclinati, Tibi abrogationes electionum Priorum a memoratis septem Pro-

Concedit ut in rubra.

viniis Ultramontanis factas, ut præfertur, auctoritate nostra Apostolica confirmandi, & approbandi, ac ut in posterum in prædictis septem Provinciis Priores, Subpriores, Sacristæ, & Procuratores singulorum Conventuum, non amplius per Communitates ipsorum Conventuum, sed in Definitorii Capitulum Provincialium, & quatenus aliquod ex dictorum Officialium muneribus extrâ tempus ejusmodi Capitulum vacaverit, in Congregatione annua Definitorii uniuscujusque Provinciæ respectivè eligantur, dicta auctoritate statuendi, & ordinandi, plenam, & amplam facultatem eadem auctoritate, tenore præsentium, concedimus, & impartimur.

Præceptum de observ.

§. 2. Statutum autem sic à te faciendum ab illis, ad quos spectat, & pro tempore spectabit, inviolabiliter observari mandamus.

Contrarium derogatio.

§. 3. Non obstantibus præmissis, ac Constitutionibus, & Ordinationibus Apostolicis, necnon Ordinis, Provinciarum, & Conventuum hujusmodi, etiam juramento, confirmatione Apostolica, vel quavis firmitate alia roboratis, statutis, & consuetudinibus: privilegiis quoque, indultis, & litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, ac de verbo ad verbum insertis habentes, illis alias in suo robore permanfuris, ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

D. P. An. 2. die 31. Julii.

Datum Romæ apud Sanctam Mariam Majorem sub Annulo Piscatoris die 31. Julii 1671. Pontificatus Nostri Anno Secundo.

XLIII.

Statuit, quod Fratres exteri Ordinis Minorum Sancti Francisci de Observantia Reformatorum, in Conventibus Sancti Francisci ad Ripam Tyberis, & Sancti Petri in Monte Aureo de Urbe ultra quindecim dies morari non valeant.

Edita An. D. 1671.

CLEMENS PAPA X.

Ad futuram rei memoriam.

Causa Conf.

Um fel. record. Alexander VII. & Clemens IX. Romani Pontifices Prædecessores nostri, ut incommodis, quæ Conventus Sancti Francisci ad Ripam Tyberis, & Sancti Petri in Monte Aureo de Urbe Fratrum Minorum Ordinis ejusdem Sancti Francisci de Observantia Reformatorum nuncupatorum, ex diuturna in eis Fratrum exterorum mansione patiebantur, occurrerent, Guardianis, seu Superioribus eorumdem Conventuum mandaverint, ut in posterum Fratres exteros dicti Ordinis ad Urbem prædictam ex devotione, vel ad negotia pertractanda accessuros, aut tunc in ea forsitan degentes, non permitterent in dictis Conventibus, nec in eorum quolibet respectivè ultra quindecim dies commorari, sub pœnis tam dictis Guardianis, & cuilibet illorum pro tempore, quam iisdem Fratribus, si Sacerdotes forent, privationis vocis activæ, & passivæ, & officiorum ipso facto, si autem Laici, carcerationis, aliisque ipsorum Alexandri, & Clementis Prædecessorum respectivè arbitrio infligendis; Procuratori verò Generali ejusdem Ordinis, & ab iis qui negotia intra dictum tempus absolvere nequirent, scripturas ea concernentes sibi consignari, eademque negotia sedulo pertractari, ac expediri curaret: Et (sicut accepimus) prænarate ordinationes non ea qua par est, cura servantur, sed illis frans fiat, Fratribus exteris prædictis post moram quindecim dierum in dictis Conventibus respectivè peractam, ad Conventus extrâ Urbem non sine horum quoque

Conventuum gravamine, secedentibus, & paulò post ad eandem Urbem redeuntibus, quasi eis non esset interdictum in Conventibus supra dictis, seu eorum altero per alios quindecim dies moram trahere.

Statuit ut in rub.

§. 1. Hinc est quod Nos eorumdem Conventuum indemnitati, & levamento quantum cum Domino possumus consulere cupientes, ac memoratorum Alexandri, & Clementis prædecessorum vestigiis inherentes, Motu proprio, ac ex certa scientia, & matura deliberatione nostris, deque Apostolicæ potestatis plenitudine, ne de cætero quicumque Fratres exteri dicti Ordinis ad Urbem prædictam devotionis, vel negotiorum causa pro tempore accessuri in supra dictis S. Francisci, & S. Petri in Monte Aureo Conventibus, seu eorum altero ultra quindecim dies commorari, nec ipsorum Conventuum Guardiani, seu Superiores respectivè nunc, & pro tempore existentes id permittere ullo modo audeant, seu præsumant, sub pœnis quoad Fratres Sacerdotes, seu Clericos, ac Guardianos, seu Superiores prædictos, eorumve quemlibet privationis vocis activæ, & passivæ, ac officiorum per eos obtentorum ipso facto incurrendæ; quoad Laicos verò, seu Conversos, carcerationis, aliisque nostro, & Romani Pontificis pro tempore existentis arbitrio infligendis tenore præsentium prohibemus, & interdicimus.

Ab exteris quid agendum declarat.

§. 2. Præcipientes sub eisdem pœnis, ut Fratres exteri, qui in eisdem Conventibus, seu eorum altero moram quindecim dierum spatium traxisse de præsentibus reperiuntur, statim atque præsentibus litteræ ibidem publicatæ fuerint, inde discedant ad proprias Provincias reversuri. Quod si negotia habuerint quæ tam citò nequeant expediri, scripturas illas concernentes consignent dilecto filio eorum Procuratori Generali, qui eadem negotia sedulo pertractari, & quamprimum fieri poterit, expediri curet.

Eludentibus pœnas addit.

§. 3. Porro si quis præsentem prohibitionem eludere tentaverit, ad Conventus extrâ Urbem tantisper secedendo, & in eandem Urbem regrediendo, quasi sibi in Conventibus præfatis, seu eorum altero per alios quindecim dies commorari liceat; tam ipse, quam Guardiani, seu Superiores prædicti, qui ejusmodi elusorii conatibus non oblitterint, pœnis supra dictis omninò subiaceant.

Decretum irritans.

§. 4. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac ab illis, ad quos spectat, & pro tempore quandocumque spectabit inviolabiliter observari.

Clausula subscrita.

§. 5. Sicque in præmissis per quoscumque Judices Ordinarios, & Delegatos etiam Causarum Palatii Apostolici Auditores, judicari, & definiiri debere; ac irritum, & inane, si secus super his à quoquam quavis auctoritate scienter, vel ignoranter contigerit attentari.

Derogatio contrarium.

§. 6. Non obstantibus Constitutionibus, & ordinationibus Apostolicis, ac quatenus opus sit Ordinis, & Conventuum hujusmodi, aliisque quibuscumque etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, & ad verbum insertis habentes, illis alias in suo robore permanfuris, ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

Dat. P. A. 2. die 26. Julii.

Datum Romæ apud S. Mariam Majorem, sub Annulo Piscatoris, die 27. Julii 1671. Pontificatus Nostri Anno Secundo.

Quod